

丁惟汾·王寬·王廷元 周邦道

當代教育先進傳之十六

丁惟汾 (1874-1954)

丁惟汾，字鼎丞，山東日照人。生於清同治十三年甲戌。父以此，字竹筠，為清季宿儒，精研古韻，著有毛詩正韻。惟汾自幼即厭棄帖括，究心世務。清末，畢業保定師範，赴日入明治大學，適 國父創同盟會，聞風慕義，遂毅然加入。旋為山東同盟會主盟人，與魯籍同志創晨鐘週刊於東京。又聯合國內同志，與學組黨，創立山東公學於濟垣、東牟公學於煙臺、震旦公學於青島，不數載，而革命思潮，遍播齊魯。武昌起義，促魯督孫寶琦獨立，孫首鼠兩端，立赴滬與黃克強會商，偕胡瑛至煙臺，驅清吏王傳炯，以胡為都督，作武漢聲援。共和告成，同盟會改組，被選為山東省黨部理事，以臨時省議會議員，兼法政專門學校校長，振頓鄉邦教育。國會成立，膺選眾議院議員。及袁世凱帝制自為，國會解散，乃悄然返里，晴笠雨蓑，鄉居養晦。迨壽安會起，潛赴上海，與十七省國會議員通電討袁。民國

六年，黎元洪再度解散國會。即隨 國父至廣東，為非常國會議員。八年，回上海，聯絡各地青年，發行北方週刊。九年秋，國會舉 國父為大總統，決定北伐大計。奉派赴滬，聯絡北方黨員，任山東支部部長，籌畫接應。十一年六月，奉命策畫政治兼主聯絡北方青年。十二年夏，曹錕迫黎退位，乃與議員單振、杭辛齋等二十一人發離京討曹宣言。是年多，設北方執行部於北京，並於青島創膠澳中學，培植革命青年。十三年一月國民黨改組，當選為中央執行委員。

北伐軍興，任中央黨務委員、青年部部長兼中央政治委員會委員，並被推為國民政府委員。時，異黨把持武漢黨部，因急赴南京，贊助 蔣公，成立中央黨部，組織國民政府，辦理清黨。奠都南京後，被推為中央常務委員，仍長青年部，繼長宣傳部、訓練部，兼政治會議委員、國民政府委員。十六年秋，建議成立中央黨務學校，蔣公任校長，惟汾任校務委員兼主訓育。十八年，改組為中央政治學校，仍任校務委員，旋兼教育

長。據厥謨猷，彌多建白。中央政治學校，即國立政治大學之前身也。

南北統一，引退讓賢，專心著述。以恐年遠，事蹟湮沒，乃請中央明令褒揚山東殉國同志。並成立山東烈士公葬籌備委員會，及山東黨史編纂委員會，建烈士公墓於濟南千佛山麓，訪遺族，蒐事蹟，成山東黨史若干卷。二十一年，任國民政府監察院副院長，旋亦辭去。

抗戰勝利，制憲國民大會，被選為主席團。行憲後，被選為監察院監察委員。渡海來臺，杜門頤養，然猶繫心國是，不廢丹鉛。蓋幼承家學，邃於古韻。中年奔走革命，暇輒博稽羣籍，辨章音韻。時與章太炎、劉申叔、黃季剛等往復商討，鑽研益精，剏獲自多。毛詩、爾雅、方言，為精力所萃之盡，其述作旨要，即音求義，由義證音，取證方言，窮其流變，別開新塗，厥功至偉。著述有毛詩解故、毛詩韻律、爾雅識名、爾雅古音表、方言譯、俚語證古六種，都五十餘萬言。四十三年甲午一月，忽嬰疾，右體拘攣，口

不能言。五月十二日竟卒，年八十有一。總統蔣公明令褒揚。謂其：「治事公忠，持躬淡泊；含弘堅毅，無間始終，允爲多士楷模。」並頒輓額曰：「清德著勛」，亮哉！

（本丁鼎丞先生紀念集中所載事略，及悼念篇章。）

王寬(1848-1919)

王寬，字浩然，河北宛平人。北京牛街大禮拜寺之教長，羣稱「阿衡」而不名。「阿衡」者，於回文，蓋宿學之尊稱也。系出西域，其先祖駱曠斯，傳教東來，由廣州而蕃衍內地。「幹」「王」音近，故於漢姓爲王。寬，清道光二十八年八月十一日生，幼聰穎。叔祖守謙，爲北方可蘭經師翹楚，設帳各地，恆攜與俱。寬孜孜矻矻，從游數載，盡得其傳。家故多藏經，博覽精思，造詣極深。既長，出膺各地教長，即以化導教民爲己任。時各地寺院，多附經學，傳習經典，皆以教長兼教師。寬爲生徒，剖析文字，闡明義理，不厭其詳；遇不少貸，督課尤嚴。故承學之士，不遠千里，負笈來游。後之名經師，多出其門下。

拳亂後，清廷力圖自強，廣設學堂，以開民智。願當時學堂多官辦，平民不易進入，回民兒童尤艱。寬以回民信仰習俗攸殊，非自辦學堂不可。故屢欲設學爲教衆倡，而由高和寡。又嘗自憾，見聞未廣。光緒三十一年九月，即攜高弟北平馬善亭，往朝天方。禮畢，返依斯坦堡，時土帝哈米德知寬爲東方學者，優禮有加，贈經書千

餘卷，寬以國內讀經，吐辭發音，遠遜西人。蓋可蘭讀法，係專門之學，非師授不易諳習。翌年，因借土國專經之士哈夫蘇哈三及阿里雷抓二人歸，傳授可蘭讀法，絕學因之復明。齋回之經，則舉以贈諸國中同道，冀廣流傳。

寬既返國，銳意興學，糾合紳衿，淑清真兩等小學堂於牛街禮拜寺之後院，建造講舍，費達一萬三千餘圓。三十四年，呈准京師督學局立案，時寶慶馬振五鄰翼官學部主事，經衆舉爲監督，堂長一席，則以屬寬。所延教員如通州朱友山，六合達禹書，王仲堅，寶慶馬任三，德州溫壽彭，皆南北知名士。督學局以其成績優良，請在牛羊稅項下，月津貼銀四十兩，以獎勵之。京師回民散居各城者，實繁有徒，復分設小學五處於城郊各處。每月開支達八百餘圓，仰給捐款，常感不敷。從衆議，呈准警廳，售彩票籌款。除彩金外，所餘差足維持。無何，言官奏禁彩票，經費遂窘。每典房質衣，以充教薪。鼎革時，京師變兵焚殺劫掠，百業凋零，校款益絀。馬監督又以部曹出任甘肅學使，京師學務局擴充學校，清真各校，由局接收，改爲官辦。即以後之市立牛街小學也。

寬鑒於我國各地禮拜寺附設之經學，教學方法，陳舊迂拙，學塾破落。因組織回文師範學堂於牛街寺中，使六合達補生主之，改良教法，增訂課程。經學中兼習漢文及科學，此其嚆矢。惟不及兩年，因絀於經費，遽與小學同時停辦。

寬聲譽既隆，南北爭聘。歷任上海、南京、汴梁、綏遠諸地教長，咸以發展教育爲急務。民

國七年冬，漫遊蒙古，塞外奇寒，勁風侵肺，歸患哮喘，翌年春，病劇，二月初九日遂棄世，年七十有一。寬於回民教育，苦心孤詣，植立基礎，厥功有足多者焉。

（本尹伯清：王浩然阿衡傳。）

王廷元(1881-1939)

王廷元，字復同，因尙友了元禪師，別署「今之佛印」，察哈爾宣化人，寄籍黑龍江大通。清光緒七年辛巳某月生。五歲喪母，十七歲入邑庠，十九歲補廩生。父之萬，爲當地名醫，先世所設藥肆「萬金堂」，歷三百餘年，頗著聲望。二十六年辛丑，拳匪亂作，地方糜爛，疾疫流行，父子義診施藥，全活無算。而竟有控告其爲亂民診病者，乃避地宣化南鄉化稍營鎮一堵泉村，故立法院長童冠賢之叔益軒家中。亂定，赴河南開封。應庚子科鄉試中式，與楊圻、雲史同年，時年僅二十有一也。

踰歲，考入保定優級師範學堂，監督嚴範孫修，以其成績優異，甚器重之。畢業後，適黑龍江陳督銳意興學，徵才於嚴，以廷元薦，遂往任黑龍江省教育監督，猶今之教育廳長，並兼黑龍江師範學堂監督，猶今之校長。廷元辦學，參照東西洋新興制度，分別實施。德智體三育並重，而於體育，尤爲注意，蓋亟欲變東亞夫而爲神州健兒。風氣既開，士林奮厲。尋改知大通縣事。大通地固衝要饒富，時俗目爲肥秩，然廷元志在教育，視之泊如也。

民國元年，調長黑龍江省立第一中學校。端

正校風，延攬俊秀執教，既攝取歐美科學新知，又倡導固有文化及倫理道德。規定全校學生齊唱孔子讚歌，厲行導師重道。實施軍事訓練，提倡國術，特聘專家陳子正任國術教師，對軍國民教育推行最力，因其素志在積健為雄，圖強報國也。每屆考取平津各大學之比率，年有增加，人才勃出。在當地機構供職者日衆，洎後任立法委員楊致煥、郭德權、杜荀若等，皆其高足。生平服膺顏元習齋、及李懋恕谷之學說，但務實行，不尚空論，故施於事功，其績效卓著如此。

七年、返原籍宣化，當選直隸省議員，寓居天津。十四年、嘗一度出宰蔚縣。不二年，軍閥橫行，即退隱北平。蘆溝變作，敵偽漢奸，威脅利誘，屹不為動。二十八年冬，憂憤逝，年五十九。夫人楊福儀與女姑瞻居美，婿海南葉佩高，曾任陸軍五十四師師長，五十軍中將軍長。（本李培適：「我的舅父王廷元」及王廷元小傳。）

蘇小妹趣聞

李樹甘

相傳宋朝大文豪蘇東坡的妹妹蘇小妹，極有才華，她與佛印禪師，也有很好的交往，二人一碰到面，就窮開心一番，相互捉弄，極盡戲謔之能事。有一次，二人相會了，佛師心中想出了一只對聯的款，旨在戲謔小妹，羞辱羞辱她，便說：「小妹，我出一個對子，請教妳，好不好？」這時小妹睜了他一眼，知道和尚老爺，又在耍什麼花槍了，也滿不在乎的說：「好吧，你就出吧。」佛師說：「一女獨眠，橫豎三條毛眼。」小妹聽了大為生氣，略加考慮，便對曰：「二僧同宿，顛倒四個光頭。」佛師聽了，大覺倒霉，但雖未佔到便宜，覺得與小妹遊戲一番，心中似乎覺得「光」榮、舒坦得多。

中外文庫 第四種 還俗記 增訂再版 鈕先銘著

定價伍拾元 請速購閱

名作家鈕先銘先生多姿多采的一生中，有一段最難忘的經歷，最離奇的際遇，那便是他曾一度出過家，當了和尚，然後又名正言順的還了俗。這一段曲折離奇的經歷，刻已由鈕先生撰成「還俗記」。還俗記具傳記的真實性，有小說的傳奇色彩，確是一本百讀不厭，值得鄭重推薦的好書。

請寄郵票或將書款交存郵政劃撥帳戶一四〇四四號中外雜誌社，立即寄書。

同光風雲錄

邵鏡人著 定價肆拾元

本書記述清代同光兩朝人物，始自曾國藩，殿以袁世凱，共錄曾國藩、胡林翼、左宗棠、駱秉章、沈葆楨、彭玉麟、李鴻章、鮑超、曾國荃、郭嵩壽、曾紀澤、張曜、蔣益澧、陳國瑞、程學啟、劉銘傳、岑毓英、張樹聲、郭松林、聶士成、吳棠、劉坤一、劉永福、馮子材、唐景崧、端方、李慈銘、洪鈞、張佩綸、張之洞、袁昶、翁同龢、陳寶箴、黃遵憲、譚嗣同、唐才常、秋瑾、丘逢甲、容闕、楊守敬、于式枚、梁鼎芬、詹天佑、王闈運、康有為、梁啟超、章炳麟、林紓、嚴復、陳衍、辜鴻銘、鄭孝胥、樊增祥、易順鼎、陳漢章、蘇玄瑛、劉師培、黃侃、趙熙、朱祖謀、王國維、吳梅、楊圻、張謇、袁世凱等七十五人功過成敗及軼聞趣事，內容精彩，篇篇可讀，定價肆拾元請將書款交郵撥一四〇四四號中外雜誌社。